



Her kün bir mane...



Her kün bir mane...

*Vay, ne güzel dünyada
Nazlı yarı sevmesi.
Yüregiñe melhemdir
Aytqan sözü, cilvesi.*



Her kün bir mane...

*Ev aldında sarmaşıq,
Men saña candan aşiq.
Sen aqlıma kəlgende,
Elimden tüşe qaşıq.*



Her kün bir mane...

*Ev ögünde gül- çeçek,
Bahar kelse bürlensin.
Kel, anama kelin ol,
Yaşavımız tür lensin.*



<http://qirimjr.org/>

Her kün bir mane...

*Yel eskende etirir
Sünbül-lâle qoqusın.
Bir mektüpik yazayım,
Güzel yarem oqusın.*



Her kün bir mane...

*Qar yağar kürek-kürek,
Dağlarğa terek kerek.
Men yaremni sağındım,
Demirden yürek kerek.*



Her kün bir mane...

*Bağçalarda narmıdır?
Süt beyazı qarmıdır?
Yarem, seniñ qalbiñde
Maña bir yer barmıdır?*



Her kün bir mane...

*Ateşke kömür qoydım,
Ellerim qaralandı.
Yaş çağında yar sevdim
Yüregim yaralandı.*



Her kün bir mane...

*Qave qoydım tavaya,
Başladım qavurmaya.
Artıq dayanamayım
Men saña yalvarmaya.*



Her kün bir mane...

*Fesilgen ektim çayıra,
Yel pıtağın qayıra.
Kökte Mevlâm yazğan soñ,
Yerde kimler ayıra?*



<http://qirimjr.org/>

Her kün bir mane...

*Suv boyu dereleri,
İçinde lâleleri.
Tıpqı küneşe beñzer
Közünüñ şavleleri.*



Her kün bir mane...

*Küneş doğa, avuşa,
Aqşam olsa qavuşa.
Yaremniñ közlerine
Baqqan közler qamaşa.*



Her kün bir mane...

*Saba erte turarım,
Filcanğa qave qoyarım.
Yarem tüşse aqlıma,
İçmesem de toyarım.*



Her kün bir mane...

*Derdimniñ yoq ilâcı,
Sensiñ başımniñ tacı.
Ölümden men qorqmayım,
Asretlik ondan accı.*



Her kün bir mane...

*Ay, kün doğar deñizden,
Ölerim derdiñizden.
Men bir cevap isterdim
Şu tatlı tiliñizden.*



Her kün bir mane...

*Kökte yıldız sayılmaz,
Gül tikenden ayrılmaz.
Menim seven yaremniñ
Közlerine toyalmaz.*



<http://qirimjr.org/>

Her kün bir mane...

*Pencereniñ şışesi,
Elinde melevşesi.
Oturıp mektüp yazar
Yüregimniñ köşesi.*



Her kün bir mane...

*Keten kölmek, aq kenar,
Yaqasından yeñi tar.
Şu qızniñ bir mini yoq,
Maqtasañ da yeri bar.*



Her kün bir mane...

*Ay doğar, ay atlanır,
Bu dertke kim qatlanır.
Menim aizarımdan
Havalar bulutlanır.*



Her kün bir mane...

*Eser edim yel olsam,
Öser edim gül olsam.
Seni barıp körerdim,
Bir uçqan bülbül olsam.*



Her kün bir mane...

*Aymısıñ, yıldızmısıñ?
Altından küzgümisiñ?
Dün gece doğdı bir ay,
Sen onıñ nurumısıñ?*



Her kün bir mane...

*Qara yüzüm asması,
Kıydim badem basması.
Su mahalleden bir yar sevdim,
Bağçasaray yosması.*



Her kün bir mane...

*Bağçalarda nazlı yar,
Göñlü göñlüme uyar.
Sevdiğine qavuşmağan
Dünyasına tez toyar.*



Her kün bir mane...

*Qasevet bar başımda,
Hayalın bar qarşımda.
Yumsam, közüm ögündesiñ,
Açsam, yoqsın qarşımda.*



Her kün bir mane...

*Qaya tübü yeşillik,
Yürekte bar rüşenlik,
Menim için bu künler
Büyük baht hem şenlik.*



Her kün bir mane...

*Siyah poşu al etmez,
Ucu yareme yetmez.
Yareme bir sözüm bar,
Aytmağa baznam ötmez.*

